

VENDIM
Nr.1118, datë 13.11.2009

PËR SHPRONËSIMIN PËR INTERES PUBLIK, TË PRONARËVE TË PASURIVE TË
PALUAJTSHME, PRONË PRIVATE, QË PREKEN NGA NDËRTIMI I LINJËS 220 KV, TEC I RI,
VLORË-NËNSTACIONI 220/110/35 KV, BABICË, VLORË

Në mbështetje të nenit 100 të Kushtetutës dhe të neneve 5, pika 1, 20 e 21 të ligjit nr.9561, datë 22.12.1999 “Për shpronësimet dhe marrjen në përdorim të përkohshëm të pasurisë, pronë private, për interes publik”, me propozimin e Ministrit të Ekonomisë, Tregtisë dhe Energjetikës, Këshilli i Ministrave

VENDOSI:

1. Shpronësimin, për interes publik, të pronarëve të pasurive të paluajtshme, pronë private, që preken nga ndërtimi i linjës 220 kv, Tec i Ri, Vlorë-nënstacioni 220/110/35kv, Babicë, Vlorë.

2. Shpronësimi të bëhet në favor të KESH sh.a.-së.

3. Pronarët e pasurive të paluajtshme, që shpronësohen, të kompensohen në lekë, në vlerë të plotë, sipas masës përkatëse të kompensimit, që paraqitet në tabelën, që i bashkëlidhet këtij vendimi, për sipërfaqen 2 322,95 (dy mijë e treqind e njëzet e dy, presje nëntëdhjetë e pesë) m², tokë bujqësore, pyll, arë, ullishte vlerësuar me shumën 735 294 (shtatëqind e tridhjetë e pesë mijë e dyqind e nëntëdhjetë e katër) lekë, dhe për produktin ulli, vlerësuar me shumën 192 000 (njëqind e nëntëdhjetë e dy mijë) lekë. Vlera e përgjithshme e shpronësimit është 927 294 (nëntëqind e njëzet e shtatë mijë e dyqind e nëntëdhjetë e katër) lekë.

4. Vlera e përgjithshme e shpronësimit, 927 294 (nëntëqind e njëzet e shtatë mijë e dyqind e nëntëdhjetë e katër) lekë, të përballohet nga fondet e KESH sh.a.-së.

5. Vlera e shpenzimeve procedurale të shpronësimit, në shumën 333 000 (treqind e tridhjetë e tre mijë) lekë, të përballohet nga KESH sh.a.-ja.

6. Shpronësimi të fillojë në muajin nëntor dhe të përfundojë brenda vitit 2009.

7. Pagesa e pronarëve të përmendur në listën, që i bashkëlidhet këtij vendimi, të bëhet pas paraqitjes së dokumenteve të pronësisë, sipas ligjit nr.8561, datë 22.12.1999 “Për shpronësimet dhe marrjen në përdorim të përkohshëm të pasurisë, pronë private, për interes publik”.

8. Punimet për ndërtimin e linjës 220 kv, Tec i Ri, Vlorë-nënstacioni 220/110/35kv, Babicë, Vlorë, të përfundojë brenda vitit 2009.

9. Ngarkohen Ministria e Ekonomisë, Tregtisë dhe Energjetikës dhe KESH sh.a.-ja, për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha